

烈
皇
小
識

烈宗小議卷三

崇禎九年丙子特授武舉陳啟新為史料給事中

初啟新上疏言

天下有三大病曰科目取人資格用人推知行取科道惟

皇上傳科目以黜虛文舉孝廉以從實行罷推知行取以除積

橫之習而且蠲災陽錢糧蘇累困之民專拜大將舉行登壇

推轂之禮使得節制有司便宜行事庶幾民怨平而寇氛靖

等因欽此新貴疏跪正陽門者三日內奄筆傳聞大內上

聞其疏異之特命授是職閣臣不敢微旨六科不敢執

中本科部給事中顧維祖疏請增設公座嗚呼閣臣科臣真

可謂無人矣

三月下禮部右侍郎陳子壯于獄時 上萬壽天演以 祖訓凡郡王子孫有文武材能堪任用者宗人府具以名聞朝廷考驗授官其遷除如常例 命下部行之子壯先詣政府力言其不可行之故烏程盛稱 皇上神聖臣子不宜異同子壯曰 世宗最英明然祠 廟之讞勲戚之獄當時諸臣猶執持不已今 皇上威嚴有類 世宗公之思過孰與張桂但行將順而廢臣正恐非善則殛君之義也烏程大慙既而子壯上疏書案鞅改授遼陽使傳之門與藩規湖銓政等

云方疏之上也尚書黃士俊恐干 聖怒辭不列名疏入

上果大怒適當 御茶擲茶甌于地烏程稟 旨罪其阻 詔

開親法司提問

五月大學士錢士升罷嘉善之入政府也竇由烏程頗相結
納凡烏程有所舉動每令嘉善先發而後繼之如用冢宰謝
陞總憲唐世濟皆烏程意也而嘉善成之烏程之攻先文肅
也引嘉善為助嘉善効力甚至及先文肅與香山同日去國
烏程遂以嘉善為贅物矣適有武生李璉疏言致治在足國
請搜括巨室充餉嘉善崇 嚴旨以進有 旨卿以密勿大

臣即欲要譽已足致之母客汲、而嘉善始危又嘉善弟士
晉巡撫雲南狼籍大著經歷吳鯤化疏許士晉駐紮不法諸
事烏程即稟 嚴旨仍戒晉江無得漏言嘉善即疏再即罷
祭酒倪元璐疏叅鄒華略曰昨見黃安縣生員鄒華妄行薦
舉列及臣名不勝駭異 陛下求言若渴本欲宣隱豁幽而
宵小干進薄孔孟為糟糠網簪綴為桃李吳鯤化部民也叅
及撫按鄒華下士也薦及朝紳如是而望朝廷之上昂首仰
者豈可得乎

原任山東滋陽知縣成德母壽溫体仁于 朝成德持身廉

介筐篚絕響又賦性峭直不能左右上官先文肅在朝極稱道之御史高好善按巡山東具疏叅劾先文肅大為稱屈德又有疏叅烏程奉旨下獄好善遂叅及先文肅云成德係舊輔文某私人此疏係文某屬草以授德者時申布政紹芳已達到下部群小合謀擬借事株連代烏程修怨勢熾矣遣先文肅以六月弃世群謀始解申成俱行遣成成之母伺烏程入朝攔輿醜詈且集瓦礫擲之烏程狼狽走免隨具疏奏聞有旨著五城驅逐而烏程今錦衣衛加校尉五十名護視人謂成母此舉不減施全之刺秦檜云後聞遂入

犯破昌平成母全其媳若女俱自投井中

逮山西巡按張孫振孫振疏奏擬學憲繼成繼成素有廉明

之譽巡撫吳姓業保薦之矣有旨以撫按舉劾互異嚴行

詰問姓具疏條陳繼成居官廉明當薦不當劾并列孫振不

職諸狀時長安關然皆不平其事都察院遂疏奏孫振是

職例大員代巡之職宜行擬問以儆官都有旨孫振違問姓

與繼成供職如故

嘉善既去晉江以病卒復行杖卜上點勾容孔貞還江蘇

賀逢聖南海士黃俊俱以尚書入閣湯川因是亦得加尚書

辰不考館選而禹甲三人皆大拜庚戌亦不考館選禹甲三人俱不得正揆席而武陵金溪補其闕亦一異也

千戶楊光先疏論陳啓新溫体仁并棺隨其後 上大怒

命廷杖八十遣戍遼西極邊

蔡酒倪元璐罷先文肅既去烏程恨倪公刻骨必欲逐之而後快言路部僚莫有應者乃以京營為餌欣動武弁誠意伯劉孔昭應募遂摘倪冒封事并及許生重熙益熙曾纂有

五陵注畧以書生不當妄言國事也倪請于家取前所給誥敕驗無冒封事罪無可坐烏程崇 旨該部議處至是部覆

上有旨倪元璐冠帶閒住許重熙革去衣巾書板追毀後
京營缺不可得遂以南京操江償之孔昭即前叅侯恂以媚
烏程者嗚呼青田有此孫寧青田矣

七月清兵入化上命太監李國輔守紫荆關許進忠守倒
馬關張元亨守龍門關崔良用守固關孫繼武劉元斌率禁
旅六千防沿河上又命太監魏國徵守天壽山尋以國
徵總督昌宣等營以鄧良輔守之鄧希詔監視中而二協杜
勲監視東協陞張元佐仇維禎兵部右侍郎鎮守昌平通州
時所遣內奄皆即日出城上語閣臣曰內臣即日就道而

侍郎三日尚未出何怪朕之用內臣耶 上又命太監盧維
寧總督通津臨德軍務兼理漕運河道

上命兵部尚書張鳳翼總督各鎮勤王兵關寧太監高起潛為
總監寧錦總兵祖大壽為提督南援霸州

工部右侍郎劉宗周疏略曰人才之不競非無才之患而無
君子之患今天下即乏才亦何至盡出二三中官下每當緩
急之際必授以大任三協有違通津臨德有違又重其体統
等予總督中官總督將置總督于何地是以封疆嘗試也且
小人于中官每相結納而君子獨崖然自異故自古有用小

人之君子無黨比中官之君子 皇上誠欲進君子而退小人而復用中官以叅制之此明示以左右袒也不報

御史金光宸疏叅侍郎仇維禎首叙內臣功為借援又請內臣督兵為蔑法并及本兵張鳳翼 上弗善也至是為援勅事 召對廷臣于平臺并召光宸 上詰之曰仇維禎方至通州爾即借題沽名乎 上時怒甚直欲按紅牌處斬逢迅雷暴雨直震 御座乃止僅行降調

工部右侍郎劉宗周疏畧曰 皇上以不世出之資際中興之運即位之初銳意太平甚誠心也而施為次第之間未得

其要屬意邊疆賊臣以五年復遼之說進遂至我馬生郊震
及宗社而皇上遂有積輕士大夫之心矣由此而耳目
參于近侍心腹寄于干城儼衛司諱防而告密之風熾詔獄
及卿士而堂簾之情隔人：救過不給而欺罔之習轉甚事
事仰承獨斷而諂諛之風日長甚者參劾之法惟重徵輸官
愈貧民愈困而賦愈逋總理之外復設監紀權愈分法愈廢
而盜愈多夫君臣相遇最難也得一文震並以單詞報罷矣
得一陳子壯又以過轍下獄矣於是市井雜流乃得搽其訛
說乘間抵隙以希進用國事尚可問哉夫皇上不過始于

一念之矯枉而積漸之勢驟為厲階遂幾于莫可匡救則今日將亂為治之機斷可識已 皇上所恃以治天下者法也而非所以法也所以法者道也如以道則必体上天生物之心而不徒倚用風雷念 祖宗學古之益而不致輕言更改以寬大養人材以附循結人心而且還內侍以掃除之從正懦帥以失律之誅慎宗潢以改秩之授特領尺一之 詔遣廷臣賫內帑巡行郡邑為招撫使赦其無罪而流亡者專責撫鎮陳師險阻堅壁清野聽其窮而自歸誅渠之外不殺一人此 聖人治天下之明效也武生陳啟新一言投契立置

清華此誠盛事臣愚謂宜先令以冠帶辦事黃門如試御史
例俟數月後果有忠言奇計實授未晚不然如名器可惜何
皇上天縱聖明而諸臣不能以道事君徒取一切可喜之術
臣竊痛之不報

九月北兵從建昌冷口出守將崔東德請統兵先遏其歸路
總兵高起潛不敢前進揚言當半渡擊之及報至北兵已盡
出口循觀望兩日始進至石門

時當八月鄉試之期以城守整輟及北兵既退改期十月亦
文運之厄也

北兵陷昌平將天壽山陵寢裡殿盡行折毀北兵退後督撫奏稱忽有怪風從東北起將陵寢裡殿盡行吹壞有

旨着估價修理上下相蒙不從究竟而閣臣樞臣反叙功加恩三新泰俱加太子太保薊督丁魁楚戴罪管事薊撫吳阿衡供職如故

劉宗周已乞休允放矣聞遼警即杜門私卻俟解嚴後始出都陞辭疏略曰自己己以來無日不綢繆未雨而禍亂一至于此往者袁崇煥誤國其他不過為法受過耳小人競起而修門戶之怨舉朝士之異己者皆坐以煥黨次第置之重典

或前籍去自此小人進而君子退中官用事而外臣浸踈朝政日隳違政日壞今日之禍寔已已釀成之也且樞臣張鳳翼溺職負任而與之專征何以服王洽之死督臣丁魁楚失事嚴疆而與之戴罪何以服耿如杞之死諸鎮撫勤王之兵爭先入衛者幾人而驟從寬典何以服劉策之死今二州八縣生民塗炭已極矣廷臣之繫、若、者皆相幸無事又何以謝韓爌李邦華張鳳翔之或戍或去豈昔之為異已驅除者今不難以同志互相容隱乎臣于是而知小人之禍邦國無已時也 皇上患私交而臣下多以告訐進 皇上錄清

節而臣下多以曲謹容 皇上崇勵精而臣下奔走承順以
為恭 皇上尚綜核而臣下瑣屑苛求以示察覈其用心無
往不出于身家利祿 皇上不察而用之將聚天下之小人
立于 朝而有所勿覺矣至近日刑政最舛者成德徽史也
而以莊成何以肅懲貪之令申紹芳十年監司也而以營求
成何以昭抑競之典鄭鄮雖久干卿議而杖母之獄乃以無
告坐何以示教倫之化凡此數事皆為故輔文震孟引繩批
根即向者驅除異己之故智群臣不敢言 皇上亦無從而
知之也嗚呼八年之間誰秉國成臣於是不能為首輔溫休

仁解矣語曰誰生厲階至今為梗惟 皇上念龍圖存進君
子而退小人急罪三協津通之使責成中外諸臣各脩職業
毋再以知家為僥倖体仁柔榆之牧庶幾在此不報
下左都御史唐世濟于獄吏部尚書謝陞罷北兵既退群小
復欲借逆才以翻逆案烏程主之德州佐之唐世濟當先特
疏薦霍維華隨一疏揚言于衆曰若臺省中有以逆案事見
罪者即先以此磴之臺省果相顧不敢糾乃疏進而 上留
不發給事中荆可棟先上一疏微、點綴以探之烏程混票
諛却知道已而臺省相繼而進烏程知不可掩乃票 旨逆

紫頌行已久何得妄希薦舉于是給事中宋學顓遂疏言霍
維華昔曾極口表崇煥之功願以已陳讓之夫崇煥負君悞
國遺禍甚酷豈堪維華再悞兵科徐燿繼之謂維華推戴崇
煥不啻口出即使不在逆案亦當服連坐之條況現奉 皇
上逆案奉 旨方新居然薦用成何政体 之旨曾幾何
時而世濟以統憲大臣藐 旨蔑法公行抗違安望其正已
率屬乎末及德州謂進退人才冢臣職也而徇人主使漫無
主持將統均之謂何疏入 上大怒遂下世濟于獄謝陞引
罪即准回籍烏程袖手不敢効一臂矣

是年正月賊高迎祥李萬慶張獻忠等連營數十萬攻滁州
南京太僕寺卿李覺斯知州劉大單督率士民固守賊百道
環攻城上連發巨礮擊賊死者甚衆而虛象昇援兵遙至副
總兵祖寬以閑遠健卒為前鋒象昇以大攻三營為後勁躬
率麾下五百騎居中督戰昧與至城下賊方空營出掠官兵
至不覺也祖寬大呼直入賊群起接戰于城東五里橋賊
大敗象昇麾諸軍追之逐北五十里斬三千二百級漕撫朱
大典令叅將楊世恩復截之于定遠斬三百餘級總兵劉良
佐托之于廣武賊遂西突池河次日賊自池河別道出東岡

守隘劉光輝孤軍格鬪力竭赴水死一軍皆沒賊襲其甲裳
旂幟渡河奪其而走江浦總兵杜弘域追之不及五里橋
之戰祖寬殺賊近萬人盧疑為平民有無辜之嘆祖大怒拉
盧欲同往驗安是流賊與否盧乃以異語謝之祖惟冷笑終
不釋然也一說盧督兵勦賊特招死士為衝鋒陷陣之選賊
今奸細混入其中對壘時奸細內應縛盧將獻賊矣中軍李
某救之得免西走之賊復陷鳳陽朱大典同總兵楊御蕃
列營陵墻下賊不敢攻遂掠淮遠陷之朱大典同總兵至賊焚
廬舍北渡陷靈壁進逼泗州祖寬亦破之東奔宿州突入沛

縣焚修婦暨靡有孑遺丁壯盡掠入營中

賊高迎祥合掃地王紫金梁等二十四營攻徐州不克遂西陷虞城入河南而曹操一字王五營由歸德趨開封總兵祖大樂潛師歸德截其前分兵設伏而以輕兵誘之遇賊于雪圍既接戰官軍佯敗賊爭先馳逐大樂鳴鼓麾東西翼突出攻賊：驚大亂官軍三面奮擊斬首四千二百餘級

二月江北賊陷潛山又陷太湖

湖廣賊九條龍張胖子等攻竹山知縣黃應鵬弃城走縣有徵糧六百石賊遂奄有之食盡焚縣治而去東掠南漳陷穀

城西陷竹溪房山知保康城空不入虛衆并統諸將追賊至穀城賊走鄖陽官兵三路並進遠大霧賊不知兵至倉卒接戰官兵逐之大敗殺賊首黑熊神飛山虎追奔數十里祖寬李重鎮先馳赴荊州防其奔軼秦翼明楊世臣等搜山祖大樂由光鄧夾擊之賊大潰盡遁入萬山中

李自成出河南欲攻固始左良玉遁于關鄉相持六日總兵陳永福援之敗之自成走登封土賊廖三袁世儒李玉石等以牛酒相迎張樂大譙連夥入營自成即命廖三等駐河南當官軍而自率部賊走鄖陽循南山險阨遵商雒而行復出

延西官軍敗績於羅家山自成自鄜州走延安而高迎祥竭
于垓亦自興安趨漢中陝西巡撫甘學潤以縱賊削籍聽甚
以孫傳庭代之

四月賊逆天星侵叛于延安而老回、混十萬等自汝鄆入
商雒大嶺李自成欲往綏德渡河入山西定遣副總兵張天
機力戰却之賊沿河犯朝邑將圍綏德延綏總兵俞神霄引
兵逐賊恃捷輕進陷賊伏中神霄被執延綏精銳俱盡賊遂
陷綏德米脂延長

七月高迎祥竭于垓攻漢中不克遂趨西安秦撫孫傳庭設

伏于盤屋邀擊大破之擒賊首高迎祥及劉哲等獻俘闕下
磔于市燭子堤即劉哲高迎祥即闕王也是時群賊奪氣潛
跡鄖陽山中虛象昇方令大兵逐之九月以勤王率閑遠之
兵北去老回：乃以全軍合曹榛闖塌天諸賊共二十餘萬
沿江長驅而下斬黃安慶江浦六合所在告警烽火及于儀
揚矣鄖陽撫軍宋祖舜逐賊敗績失其符印削籍聽勅以苗
祚土代之未幾祚土復罷去以陳良訓代之

十年可丑正月外計浙江布政姚永濟貪汙頗著無以錢糧積
欠已列為民矣浙省諸紳溫休仁姜逢元王業浩等五十餘

人公疏保留謂承濟居身廉慎剋弊精明為從來方伯之冠
有旨下部議覆上准降級管事後與外計姚貧聲大
著計察為民使皇上追論前次保薦之罪不知休仁等何
以置對

二月會試天下士命大學士張至教孔貞運為考試官取
中吳貞敬等三百名

下戶部尚書侯恂于獄勞永嘉之推登撫也寔華金入兵科
宋之普家代為營幹德州後三遇宋學顯諱戒以言路毋
先發卒之言落交章而登撫另推之普等懷恨未嘗湏臾忘

也至是之普以馬豆事叅恂及學頭學頭以科臣巡視而恂則烏程所久側目者烏程稟旨以恂徇私養奸卒職提問學頭以從未經手免議之普與學頭同年同官修私怨恂當軸不難手出彈章人心叵測亦已甚矣左僉都宋鳴梧以子之普叅恂與學頭也終身以為大垢遂謝病歸里

三月 廷試策士 賜劉同升陳之遴趙士春等進士及第出身有差

例轉給事中宋學頭為湖廣副使御史張盛美為河南右叅議撫軍侯朱國弼疏言溫休仁受霍維華厚賄謀為出山假

今唐世濟散其端又以言路之糾泰為宋學顯主使密諭吏部擠令外轉有旨責其誣捏首輔辛爵任倖

四月改河南巡按張任學為河南總兵任學覲得巡撫且欲薦原任丹徒知縣張文光因極詆諸總兵不足恃而感稱文史中有奇材可以禦寇上竟以總兵授之意大沮悔

太倉氏陸文聲疏言風俗之弊皆起于士子因蔡太倉無吉士張溥前任臨川知縣張耒倡立復社以亂天下有旨著提學御史倪元珙覈奏既而元珙回奏極斥文聲之妄而申詳者蘓松通馮元颺也有旨元珙元颺著該部從重議處

後部獲上俱降三級調用去歲張漢儒疏叅虞山以致逮問
故一時譏小得志告訐四起先是撫州推官周之變以爭軍
儲事與漕米相峙蓋漕等欲利盡歸于太倉而之變欲公普
之合群事本甚公甚正後之變密揭漕等于漕撫并傷知州
劉士斗于是衆議沸然皆歸罪之變：與士斗俱不安其位
以去至是之變亦訐奏漕等梟黨挾持則曲甚矣

上命太監楊顯名總理兩淮鹽課顯名極任查叅前任巡鹽張
養高欽舜各侵匿稅額幾十萬有 旨逮問時養已卒 命
將其家永平兵脩劉景耀閤內兵脩楊于國各降三級管事

時總監太監高起潛行部景耀于國恥行屬禮俱上疏有犯
烏程票 旨總監著照總督体統行事申飭已久景耀于國
徇私瞻顧殊屬競玩姑着降三級管事以後監司皆俯首屈
膝莫敢爭矣

七月工部員外方璽疏 皇上親撫魏忠賢而予及之豈溺
情奄豎者止以外廷諸臣無一可用而借才及之況人臣感
恩圖報何論內外每見廷臣履地懋絕不若宮廷督御効忠
倍易凡此內臣徵茲曠典孰不願素捐頂踵以酬 皇上者
不允總：逆慮也給事中何楷奏璽通內呈身有請重治示

戒有旨方墨降三級調外任用

大學士溫體仁罷烏程叩恨虞山必欲殺之而後快常熟陳
履謙巨奸也特為獻謀唆張漢儒疏奏虞山并及翟式耜並
逮問下錦衣獄虞山為李高陽門下士托高陽公子求援于
大瑞曹化淳化淳係王安名下以虞山所撰王安碑文為証
曹瑞覽之泣下乃盡力為營救虞山又令密友馮舒求援于
馮銓連伺三日不得見第四日二鼓始命入堂中馮方欲有
所言銓曰錢謙益的事我都曉得了如今已不妨亦可回去
教他安心即揮之出馮次日入都局面一變矣虞山具辨疏

將前後被陷事情宛曲點破上聞之首肯溫川案語頗惡
上盡行抹去止批不得瀆陳烏程謀始阻陳履謙後獻詭誕出
首之計先具一匿名揭有虞山款曹擊溫等語隨令王藩出
首云虞山賣四萬金托周應璧求款于曹璫烏程即將款曹
事情密揭入奏上即以烏程揭示曹璫曹璫酸酖無地自
請窮究其事先是衛帥董璫定招以匿揭為根據以王藩為
確証周應璧堅執不認董璫逼勒成招事頗昭著而曹璫奉
旨嚴究大加搜訪脩悉陳履謙父子奸狀遂擒履謙父子到倣
次日曹璫五更親至外東廠審鞠先後嚴訊吊一吊夾四夾

打二百扛撈一日招出張漢儒艸疏王藩出首并伊父子捏造款書和溫擒陳六字及改和溫為擊溫等情歷歷有據凡領廠者非重大事情不親審不親至外東廠前年廠從緝獲逆犯董天王賞銀三十兩今緝獲陳履謙亦賞銀三十兩則其鄭重履謙可知已前此首狀中引式耜弟翟式穀為証式穀初為陳履謙所愚至是洞悉其奸先後曾對語皆中款書端溫語諭之令其盡言無所駁問於是逆案之謀翻總憲之薦霍與漢儒之疏匿名之揭王藩之首俱出烏程一手握定事狀昭灼獄上虞山及式耜俱從寬送刑部擬罪漢儒履謙

俱立枷一個月而烏程先告之

旨亦下烏程毋與大獄必

稱病以聚謀、定而後出是時修理湖州會館擇日移居上

疏邀

宣諭之

旨即出矣淄川已稟擬

宣諭、御筆大

書三字云放他去閣衆有人夫祿米等項

御筆抹去疏下

出其不意方食失筋長安中徹聲雷動雖婦人孺子皆舉手
相慶云

烏程既去復當校卜

上點用綿竹劉宇亮進賢傳冠韓城

薛國觀

旨云着與輔臣張至發協同辦事不稱首輔淄川

有與善者勸宜且稱病淄川沉吟久之曰無奈賤体頃來皆

宋蔡攸引其父京手作診脉狀曰大人脉勢舒緩体中得無
少倦乎京曰無有攸去京語客曰此兒殆欲以疾罷我也淄
川才智萬不堪京作奴而不肯稱病則古今合轍矣

山東民家墾地得印數顆鑄有明鳳年號蓋小明王時年號
也巡撫顧繼祖具疏以進極盡諂諛若與玉璽鳳麟同一三
瑞識者預占為不祥謂分爭從此起矣

唐王之父為世子時以世弟離間故失愛于老唐王鬱以
死老薨唐王嗣位即上疏列其寃上遣大瑞二人往唐府
和解之唐王所以媚二瑞者不遺餘力二瑞甫出境即懇父

世子像召兩郡王至數其罪立抽殺之事聞於法應賜自盡
以大璫左右之數入高牆弘光即位乃得赦出乙酉清兵南
下唐王走福建撫鎮張肯堂鄭芝龍等擁立稱帝改元隆武
說者謂既入高牆似難復君臨天下矣

時當考選行取各官俱鱗集都下舊例止推敲臺省甲戌後
增入詞林雖以官評為據而營私者正自不少時江南推較
建陽知縣沈鼎科而歸善知縣陸自嶽必欲據之互相訐揭
陳啟新疏論及之奉 旨着指名回話又 旨下吏部取訪
冊進 覽于是姜逢元王業浩孫晉等皆以圖多蒙 旨詰

責有何廣知若此之語各降詔有差成新回奏指涇縣知縣
尹民興江都知縣賴胤紹及同鄉預定詞林之陸自猷部履
三人俱降凌自猷即訐奏沈昂科昂科亦不得考選吏部尚
書田唯嘉乃請先推部屬所推共二十三人皆孤立寡援者
輿論譁然諸受推者亦各懷不平惟成勇恬然無怨也不數
日竟辭朝赴南京吏部之任識者共服其雅量云

逮福建興泉兵備曾櫻廠役緝事緝得曾櫻營陸事狀有
旨逮問櫻力辯無此事人從書禮皆偽也既而漳泉副總兵鄭
芝龍疏稱曾櫻無明忠恕龍感佩其德特代為營陸而來

後疎虞致蒙 聖譴其實與櫻無干願以官贖罪有 旨姑
不究曾櫻仍還原職

按芝龍為泉州南安人初同弟芝虎流入海島額振泉黨
中為盜振泉死芝龍代領其眾剽掠海上官兵不能禦興
泉兵脩蔡善繼以書招之芝龍降善繼坐戰門令芝龍兄
弟四首自縛請命芝龍無難色芝虎一軍皆譁竟同叛去
攻取廣東海豐嶺頭村以為巢穴掠奪商民紅後進劫漳
浦等處時天啟六年也巡撫朱一馮遣副總兵洪光春擊
之而令游擊許心素陳文廉為策應會海潮夜發心素文

庶所統水師皆飄漂失期先春大敗總兵俞咨魯望風先
逃崇禎元年給事中賴繼祖疏劾咨魯喪師失律臨陣怯
逃有旨革職提問芝虎最驕捷能于海面跳越而舟左
右擊射人莫敢撓其鋒適為颶風飄沒不知下落芝龍頓
失所恃二年巡撫熊文燦招之芝龍降授官遊擊三年海
盜李魁奇倡亂芝龍擊斬之六年海盜劉香老犯長樂又
犯福建小埕芝龍擊走之七年劉香老犯海豐而廣總督
熊文燦令嶺南守通泰雲蒸巡通康承祖叅將夏之本張
一傑招撫之俱被執八年芝龍統福廣兩省兵擊劉香老

于田尾遠洋香老敗因扶守道蔡雲蒸為質雲蒸大呼官
軍急進擊勿顧我香老怒殺雲蒸遂自焚死承祖三人脫
歸叔功加芝龍副總兵十三年加芝龍總兵

是年正月總兵秦翼明逐賊于麻城黃岡間敗之老回：整
齊王張獻忠等九營分而為三一走羅田一走團風鎮一走
新水關塌天等又分三路擾江北一自桐城犯廬江舒城一
自固水犯霍山六安一自潁州犯滁州營火夜燭數十里
李自成敗官軍于寶雞縱掠涇陽三原等處西安大震
二月左良玉大破賊于舒城六安三戰三捷秦翼明敗關塌

天子細石嶺擒賊首一條急飛山帟賊至英山立營山巔伐
竹為筏為渡江計朱大典檄左良玉入山搜捕良玉不應也
舒城月餘大典三檄之始自舒江進發賊已飽掠出境矣山
西總兵王忠統兵勦賊稱疾數月不進一軍噪而歸西給事
中凌義渠劾之有旨王忠達問左良玉卒職殺賊自贖
閏四月以熊文燦總督五省以嘗道立巡撫河南以孫傳庭
兼河南總督時宣大總督楊嗣昌守制家居上特起為兵
部尚書嗣昌具疏辭不允今以墨線從事嗣昌舉文燦為總
督而大發兵勦賊戶部苦于無餉嗣昌建議每條銀一兩加

銀三分名因糧納餉共加賦三百萬兩以濟軍需下詔有
鑒累吾民一年除此心腹大患等語

按因糧輸餉一項止徵一年惟應撫張國維浙撫熊鶚渭
相訂獨徵二年江南十府共二十餘萬盡入私囊華亭許
公警卿不平其事獨持昌言而群分國維之潤者競起而
和鮮之公論遂不克伸故從來應撫之富以國維為第一
旗鼓朱某亦婪有二萬金亦從來旗鼓所推為第一蘇松
沿海等口素嚴出洋之禁張國維令守海諸弁潛放洋船
出海俟其滿載而歸盡掩取之兩年中所得亦不下百萬

十月陝西賊過天星同李自成陷寧羌混天王草莽眼等會
之分三道入四川自成自七盤關度朝天關戊戌至廣心士
寘陷昭化癸卯過劍閣甲辰陷叙州乙巳陷梓潼黎雅叅將
羅尚文大敗混草二賊于廣元斬首千餘級賊自梓潼復分
為三一走潼川一趨綿州一入江油遂陷青川彰明鹽亭等
縣進圍綿州巡撫王維章次保寧畏賊不敢出丙辰賊焚郫
縣漸逼成都事聞維章革職聽其以傅宗龍巡撫四川
王維章所至以貧墨著條兵西寧以剋削致激軍變巴縣
力護之舉為川撫至公然形之揭奏曰維章臣畏友也臣

益友也等語及任四川狼籍無比至受希夷黃金四萬兩
擅將邛州界內地劃以與之合州士民咸憤不平迄無敢
以入告者次年楊綸修廷麟召對乃指及之真開人不
敢開之口矣

十一年戊寅二月下刑部尚書鄭三俊于獄先是馮英下獄改
用三俊違當侯恂屯豆一案先有讒言謂三俊與恂皆東林
契友必將屈法徇私上入其言至是獄上果多為恂却罪
上大怒并三俊亦下獄宣大總督盧象昇首先具疏稱冤盧昔
為鄭司官素服其公忠廉慎者也繼盧者不下十餘疏而應

天府丞徐石麒為最畧曰鄭三俊品重三朝賢著四海即使
果有過誤猶望 皇上優容老成曲施赦宥今擬議一不當
而修辱隨之將敬大臣之義何居漢張釋之為廷尉不敢屈
法以徇主意文帝卒降心以相從千古兩賢之謂非釋之不
能守朝廷之法非文帝不能用釋之：言臣于是而嘆臣工
之不能仰体 皇上也 皇上每事欲踵前哲而臣工輒道
以刻薄慘澹之術 皇上每事欲臻盛治而臣工輒佐以刑
名擊斷之學 皇上每事欲崇禮義而臣工輒肆其乘間扭
隙之私云：閣票回話發改閣票為民又發改閣票提問

御筆批可將三俊罪狀一講明不必更展奏事官閣中方票
今旨以進當晚即下

禮部題二月十七日 皇太子出閣講讀侍班官四員禮部
尚書姜逢元詹事姚明恭少詹事王鐸岳可仲講讀官六員
禮部侍郎方逢年右諭德項煜修撰劉理順編修吳偉業楊
廷麟林增志較書官二員編修胡守恒簡討楊士聰侍書二
員中書黃應思朱國詔舊制 日講官 東宮講官無相兼
者恐 皇上與 東宮同日 御講筵致相妨也黃應思既
充正字又充侍書則以濫川從外入不諳衙門規則而士聰

係辛未增志係甲戌一輩尤為錯謬臨期逢元罷去侍郎顧錫嘒代

二月十二日 上御經筵畢 召禮部左侍郎顧錫嘒等二十餘人問保舉考選二者孰為得人諸臣各以大意走告諭德黃景昉獨以鄭三俊下獄及朱天麟成勇不得考選對上細詢良久諭以三俊蒙徇有徒清亦不能濟事之語至朱成二人則庶乎李建泰而下多同辭稱其果屈 上命起序列有言者出奏于是諸臣各陳所見 上亦隨意答之 上又曰言須可用如先年講官姚希孟欲將漕米改折一年這个

行得行不得編修楊廷麟對曰溫休仁之舉唐世濟王應熊
之舉王維章今二臣皆敗而休仁應熊畢竟無恙是連坐之
法先不行于大臣而欲收保舉之效得乎 上為之動色久
之無所言項煜乃奏成勇不得考選以任濟為問臣張至發
兒女親家前任濟列在第二後以有議以成勇為之問臣不
欲勇獨得考選若曰得則俱得失則俱失云爾 上曰誰沒
有个兒女親家也 不在此至發奏請 敕山東撫按勘驗
臣與任濟結親或現在或已亡有一于此治臣之罪 上諭
以不必與辨對畢諸臣出朝吏部領事者誤傳奏成朱者為

楊廷麟曰唯嘉恨甚嗣是專攻廷麟矣次日黃道周黃景昉
楊士聰各有疏景昉中言鄭三俊事道周疏亦及之士聰則
言考選事而田唯嘉亦有疏則直攻楊廷麟內云成勇任潛
各為同鄉所引科道求科道詞林雖未預訪單而暗中守為
主持臣一旦推之部屬安得不觸諸臣之怒至楊廷麟則尤
有說焉今考選推部之涂必泓係麟同鄉至戚保舉聶明楷
係麟同鄉萬谷春所保舉臣且參革并谷春議降調矣是以
廷麟恨臣以保舉考選為不平而特借成勇朱天麟為口實
也奉 旨接引主持有何憑據且原奏係黃景昉何訛為楊

廷麟還通着明白回奏十六日

上御日講面諭黃景昉昨

原切責鄭三俊豈是矜亮又

諭俞煌昨召對有姚希孟全

折漕糧一年之說煌對曰行不得如何此疏竟隱不載時講

官張少庵四知出語人曰今日

上怒甚說者謂三俊自此

得釋矣十九日

上御門畢

諭百官數百言內言鄭三俊

一案也立牆穴情弊顯然有何可疑而欺罔諉卸巧為弥縫

屢奉批駁執法愈甚但念別無賍賄姑着回家聽擬蓋聖

明本衆受言第不欲思歸于下耳三俊以初九日下獄風霾

陡作咫尺不辨是日得釋微雨澄清誰謂主心不上應天

心耶

按講章之末必附論時事一段猶奏疏中條陳非必欲一
一見之施行也姚文毅進講在上初年時入夏始乞糧
阻凍開河直待來春始得交納京倉較之祖制十二月
先糧二月開幫五六月赴京交納七八月回空何意天淵
故引及之云或不妨改折一年以通其窮亦作商量語耳
後史堃辨疏後牽及先文肅與文毅乃知羣小所以相中
者不遺餘力八年之後猶令 人主追憶其過如此
楊士聰疏下着指名回奏於是指陸自戕張若麒沈迅蓋自

獄與沈昂科同在考選自獄為陳啟新指叅降處不甘昂科
獨留特出疏以傾之若麒與迅則愛省中不愛詞林者蓋當
考選時第一第二當為詞林第三第四當為省中第五第六
當為柱史迅與若麒列在三四此正揔定省中樞要也及任
濟議處乃舍第三之沈迅而推第五之成勇此其驗也

東宮講讀官項煜楊廷麟各疏願讓少詹事黃道周潯川具
疏極排之內云道周近疏有臣不如鄭鄮之語夫茂倫杖母
明旨煜、鄮何如人而自謂不如是可為元良輔導乎革此揭
者中書黃應恩也先是戶部尚書侯向刑部尚書馮英同時

下獄道周辭官疏內及侯恂明因適及刑刑之未當者鄭鄤特
其一耳疏中有一日內繁兩尚書偶道一尚字有 旨疏中
一日內繁兩書敬慎何在迨後英竟以微罪得釋是 上未
嘗不用其言也給事中馮元飈上疏畧曰頃頃煜楊廷麟疏
諫黃道周夫二臣係閣臣所選不肯苟悅于閣臣為閣臣者
宜深加贊嘆風勸百僚而近日一揭若大不快於其言者并
遷怒于道周何也若以道周建言為罪則 皇上已遷其清
扶穀次回奏皆荷優容天下萬世方頌為 主聖臣直一大
盛事而閣臣反因此怒及道周臣恐天下後世有以議閣臣

之得失矣。淄川又出辨指謂臣理：孤孰即有苟悅之人不
能呈身于臣云：亦應思代草也。既而後上世風宜挽一疏
累數十百言。內云：道周出山緣愛母之心，借一言以周旋鄭
鄆。豈曰非孝，但不宜以朝廷是非為一己環草之私。又云
有一二人為建壇站執牛耳，自命于人曰：吾將主持世風。已
而自命者與附之者入主出奴了，不得其何緣。何故末又請
禁投刺往來云：自今士大夫門盡可羅席，盡可塵夫人而能
為廉也。夫人而能為讓也，終推重于溫休仁。稱其孤孰不欺
竊願學之云：此疏出江夏手，嗚呼江夏生平於斯掃地矣。

編修吳偉業其疏取之略曰前事者後事之師今日輔臣之
鑒取之溫體仁而足矣體仁學無經術則當講求仁義練習
朝章體仁性習險詖則當矢志光明立心公正體仁狎暱宵
人則當嚴杜諂訛之輩體仁護持逆黨則當力結忠孝之經
庶乎 聖恩可副輿望可塞乃積習未化近日辨揭盛稱體
仁之美曰孤執曰不欺夫體仁有應世濟閔洪學蔡奕琛胡
振纓胡鍾麟之徒叅贊密謀有陳履謙張漢儒陸文聲之徒
驅除異己何謂孤庇樞二則總督可不設而事敗乃設庇鳳
撫則鎮可不移而事敗乃移何謂執 皇上之決去體仁正

謂其善欺耳家富巨盜產遍茗溪自說曰庶孽子招權匪人
入幕自說曰謹何謂不欺輔臣真以為孤孰不欺乎若何因
私踵陋盡襲前人所為將公忠正直之風何日得見夷狄盜
賊之患何日得平也造上御經筵項煜面糾涇川庇至戚
任濟而擠成勇涇川再疏辯有旨着項煜回奏煜回奏畧
曰有問斯對而曰紛囂為國摘奸而曰排擠至教云何處把
持則臣敢明白指之曰考選則把持于閣中推補則把持于
吏部又云臣孤冷自守於考選何與於任濟成勇何預向使
經筵不召對不問用人諸臣不言及考選則臣雖有區區之愚

何自而發當日一堂都俞夢想不到拜颺之語一片肝膈而
至發乃謂臣為異同為愛憎如此欺罔豈能逃聖明之炤
燭哉疏語最切第疏內指任濟與淄川次于聯姻則未確謂
潛以銀鞍馬賄張孫振斥為貪吏則太過有旨首再奏而
淄川又出疏曉攻詆全無大臣之度矣項煜遂奉旨議
處

東宮出講黃克正字管誥勅撰文又兼東宮侍書勢不
能相顧凡傳講寫講皆委之朱國詔臨時國詔病不能出乃
暗撰儀註委之較書淄川不詳所以遽為題請士聰等詣閣

力辨其謬既而項煜等撰完講章送應思應思復拒之云此
楊胡二公執掌士聰蓋不平其疏爭之發票淄川即具揭隨
進士聰遂不行士聰乃上書閣中極言其事而應思遂以撰
文事特旨為民撰文者本兵楊嗣昌父楊鶴三邊總督以
逮問造成至是寧夏叙功奉 旨復官給 誥命舊例 贈
恤 誥命皆中書撰文者為之應思為楊鶴撰文極力洗發
進 呈 上塗抹發下令查職名議覆淄川將具公揭申救
句容進曰去年許朗城事與此同彼時未曾申救今奈何救
之蓋前歲許祭酒撰高忠憲公 贈誥為 上所駁降處也

涇川憤曰難道閣中少得此人諸公不救我自救之連進三
揭上終不允御筆批云撰文官自註職名新經申飭黃
應思供後閣中首先違玩人臣功罪各不相掩蒙寬等語視
當日之處分為何如黃應思著革職為民楊嗣昌疏救亦不
聽既而大理寺副書登疏叅應思納賄等事先是四川富順
知縣許國佐以叅劾下部應思受其千金許為從輕票擬遣
又有招撫應思事款一冊未夜投于中書周國興之門縣是
長安喧傳直達聖聰書登疏入有旨著刑部提問
給事中王都疏叅吏部尚書田唯嘉略曰冢臣之與逆黨作

緣非自今日始也當王永光借題遣才引用匪人之日唯嘉
爭先應募即薦楊維垣賈繼春二人章光岳遂薦呂純如霍
維華傅樞徐揚先虞廷陞葉天陞六人賴聖明獨斷有逆
案奉旨方新居然薦用存何政體之旨而後辟奸屏惡
疏在御前可覆案也夫唐世濟應嘉臣薦一人而拿問彼
薦三人薦六人者且何居焉疏入次日上召對召閣臣
及唯嘉出疏示唯嘉諭以秉公盡職不必與韓都前有疏
叅刑部侍郎章光岳行人司副水佳胤蓋光岳官通政時建
議請于逆案中有枉者辨疏許其封逆佳胤官御史時疏請

吏部將逆案中不平者一：明告有旨吏部議度唯嘉慶
光岳致仕佳胤免議故都并奏之先是德州去位唯嘉以吏
部侍郎以旨陞吏部尚書其勢張甚凡臺省議及者必以
年例處之若宋權宋學顛凌義果皆其人也都可謂獲虎尾
而不悔者矣

田唯嘉疏奏楊廷麟奉有明白具奏之旨而屢疏回奏總
無指實上詰責不已會項楊各疏奏濫川遂以項楊為接
引以河南掌道御史王萬象為主持又有神謀權力一疏其
云神謀權力者一指李嗣京為句容所托一指涂必泓為進

賢所托益淄川在閣中惟江夏欣附同吳句容進賢多所不
合唯嘉知之欲借此以傾二人二人大懼唯嘉疏發崇淄川
時待罪在寓句容進賢崇擬項煜楊士聰王萬象著議處後
進密揭言煜與士聰疏叅首輔有壞閣体當加重處隨使人
傳語于唯嘉唯嘉大喜再上回奏疏神謀權力即指項煜士
聰萬象三人句容進賢復崇議處尚未進而唯嘉前疏密揭
乞加重處者 御筆批出云面奏成勇不得館選乃黃景昉
等今言楊士聰是何緣故項煜已有 旨了句容進賢相傾
失色乃將神謀權力疏止擬已有 旨了長安喧傳曰太宰

挾臂挑戰而問下望風投降者即指此也

士聰指名疏下查沈迅等三人治行及考滿緣由具奏唯嘉
將考滿開復截俸日月俱隱匿不載止詳載其各院考語士
聰隨上大臣蒙欺有據一疏內指唯嘉得固汝弼銀八十兩
升延綏巡撫係大理寺丞史堃過付又叅史堃巡按淮揚時
署巡鹽事侵匿課銀二十一萬兩有旨史堃沈迅張若麒
各著回話而唯嘉復上盡職招誣一疏內云士聰叅史堃並
及臣也蓋有由矣史堃者時尚之所懲惡而不容者也若麒
與迅皆為堃父母官士聰惡史堃并及其父母官已久所之

又見成勇被臣推部屬倘麒迅及選科道則患其氣味味不
投必欲一網打盡以為快也沈張回奏俱言士聰平日招搖
勾騙至于考選大典公然登壘而招已維守正聽命以致大
觸其怒云々而於開復考滿日期俱置下及唯嘉又收陸自
獄為助自獄亦出疏叅士聰羽翼沈昂科為接引指吏科葉
高標為主持高標昂科鄉房師也史莖回奏疏云臣孤立寡
傳屢糾奸惡今乃誣以閑通閤部之線索憶向年文某姚希
孟為詞臣之雄死者死矣文某借虛名以入閤入閤便行私
去後復草疏稿募成德代上臣曾有綸扉之線索一斷議論

之風雨寐然二語大化時忌故士聰借考選之事硬以線索
二字誣陷微臣也其辨疏云臣入仕以來指佞如仇奸黨恨
臣久矣士聰曾受宋琮銀萬兩營謀館選又今特出聖明
燭奸之疏去却考選突以田唯嘉得周汝弼銀八千兩濫推
延撫指臣過付臣巡按淮揚僅代鹽差數月便誣以侵匿鹽
課二十一萬次乞敕下九卿科道將此疏會勘今淮揚內
臣楊顯名及周汝弼各自回奏則士聰之誣捏始露而微臣
之心跡得白矣有旨俟衛招訊明奏奪

史塗貪著淮揚幾與崔呈秀等三尺童子皆能道之其侵

臣竊課為延撫通付俱自作之孽于人何尤乃無端牽及時局又無端牽及先文肅姚文毅何為乎先文肅以請改正光廟寔錄一疏荷蒙聖鑒致此超拔非閑虛名也大瑞屈意求好先文肅堅拒不應是行私者否比如烏程之謀翻逆案已縣之力庇貪撫方謂之不行私者乎至成德應募之說乃禹好善造此以取媚烏程耳今烏程罷矣漫拾好善餘唾何為乎雖百足之蟲至死不僵終不能當聖明離明之焰也宋琮萬金之說尤屬誣讒宋致擬為出疏申辯而時知不果給諫之念重雖其兄受誣于身後勿違恤

矣嗚呼

四月吏部尚書田唯嘉罷時士聰庶得唯嘉納賄事款復上
聖主神明燭弊一疏滯川見疏有事款即密抄一通送唯嘉俾
預為辯地不意唯嘉不待 旨下而遽上辯疏也士聰乃上
臣疏預洩甚奇一疏有 旨着唯嘉回奏而前疏竟下錦衣
衛提究事既下部矣唯嘉仍視大選自如給事中吳麟徵上
疏略曰今之進言者益難矣為公正而發憤動輒指為朋比
即自盡其職掌亦借題以驅除即如家臣田唯嘉鬻官通賄
事下衛訊供吐未盡贓已累：其奴與私人方在對簿而其

主安坐朝堂視事尤為三百年絕無之事末云以真庶真謹
之鄭三俊尚不免為法蒙譴以極貧極橫之田唯嘉乃容其
跋扈自如有一旨冢臣以推選視事不得苛求蓋濫川力為
之地也既而唯嘉回奏疏稿預洩緣由稱係寫本人所送有
旨既係寫本人傳送何難稽查著即指名速奏唯嘉再奏乃稱
是蚤有人傳呼門外云有人誣捏你主人事款速取去門
役驚起開視則其人不能久待竟擲檻間而去嘻直同兒戲
矣士聰復上冢臣說謊面欺一疏有一旨奏內事情著田唯
嘉據實回奏不許一毫文飾取咎唯嘉窘極乃疏請罷去云

士聰之意欲攻陷臣希圖翻案為推部諸臣復謀考選臣一日在部其私心一日不遂乞將臣解任聽勘有旨田唯嘉准解任回籍

大學士張至發罷時

上復御經筵諸臣於文華殿門鵠立

上傳項煜方在議處不准入班講畢後諭閣臣俾項煜回奏

越兩日而淄川罷煜亦降三級調外任蓋上將放淄川不

欲煜居其功故有此傳諭而淄川之罷則實以淺士聰之

疏于唯嘉頗忤聖意云

士聰聖明燭奸疏既下衛內指唯嘉家人田少皋過付事

其夥衛役初提額裁縫等唯嘉舉家大驚聞其奴有仲葉白
盡者未知即田少峯否也然少峯究竟不出而唯嘉之金珠
已捆載入衛帥吳孟明家矣已而衛招上止招盧以岑升主
事用銀五百兩係田登第過付于田敬宗仍謂唯嘉初不之
知有 旨提田登第再審已而衛招招舊止認盧以岑一事
且云並無田少峯其人奉 旨原奏事款多端豈止盧以岑
一件何得聽其狡飾還着嚴訊確供具奏又衛招額裁縫徐
大章供稱周汝弼用銀八十兩推巡撫係史筵事非大章等
經手止增招出武強知縣傅蒙麻差人持銀三百三十兩三

百送田尚書三十衆人分用有

旨唯嘉革職蒙亦革任原

奏六款再嚴鞠確情具奏

衛招再上奉

旨田登第既係伊子家人五百多金豈有

僕從瓜分之理吳孟明不從寔根究殊屬耽徇姑着再降二

級戴罪田敬宗革了

職提來并同汝弼事情嚴訊確供具奏

田敬宗先選授都事院

察

都事至是提到下衛審問供認沈萬

春一事得銀六百兩其餘俱如前招有

旨沈萬春提問敬

宗再行嚴審奏蓋

上所重者延撫事也于是有稱逆付非

史莖為張紹先者給事中吳希哲遂具疏奏紹先要之紹先

預其事不止紹先一人蓋衆人深爲史堂出脫地耳後衛招
上仍舊奉 旨田敬宗等俱着送刑部擬罪具奏

四月十二日 上御經筵畢復 召對六部本兵楊嗣昌奏

有盪城盪野善戰者服上刑等語 上諭今天下一統與孟

子列國兵爭時不同今不過一屬夷小醜縱不能伸大司馬

九伐之威奈何爲是言耶隨戒以今後勿復爾時 上聲色

甚厲嗣昌頓首認罪後又言湖廣巡撫余應桂用將官事既

退嗣昌復上疏請罪因言應桂前任御史曾參臣父先國家

之急而後私仇等語未幾而嗣昌爰立應桂逮問其轉移之

機甚秘甚捷人不得而測之也

時火星示變 皇上于宮中齋沐祈禱素服減膳并 諭各
衙門俱角素修省楊嗣昌上疏畧曰臣聞月食五星古今異
變史不絕書然亦觀其時勢主德何如今茲月食火星在于
前月己酉納音屬土律應中宮然有陰陽之分戊申陽宮主
帝座己酉陰宮主后妃其時寅卯違值 素廟成妃發引內外
文武百官祭奠郊圻所謂白衣之會在陰宮已有其應無庸
致疑一也當食之時火星觸目在于上角不在中亦不在下
臣愚謹視明白無庸致疑二也又云臣稽于古月食熒惑不

為大災者蓋亦有之在漢光武建武二十三年丁未三月、
食火星其年無事明年匈奴入部人立呼韓邪單于款五原
塞事下公卿議、者皆以為不可許五官中郎將耿國獨以
為宜如孝宣故事受之以率厲四夷帝從之明帝永平二年
己未十二月、食火星頻年無事皇后馬氏馬援之女也德
冠後宮著衣大練明帝圖畫功臣二十八將于南京雲臺又
益以王常李通竇融卓茂三十二人馬援以樹房之親抑不
預為唐憲宗元和七年壬辰正月、檢焚惑其年田興以魏
博來歸李絳推心撫納結以大恩宗太宗太平興國三年戊

寅七月：掩葵惑其明年興兵滅漢車駕遂征契丹連年兵
敗宰相張齊賢上疏以聖人舉事動出萬全必先本後末安
內養外之說進臣愚所聞如此給事中何楷取之略曰孔子
作春秋書災異不書事應其言天道則不可得而聞今嗣昌
縷：援引出何典據如探其立言本意則路人咸能指之矣
引建武款塞故事欲借以伸市賞之說也引元和宣慰故事
欲借以伸招撫之說也引太平興國連年兵敗故事欲借以
伸不敢用兵之說也然附會誠巧至于永平二年一條所述
皇后馬氏等持更不知其意所指作安在有 旨樞臣不必

深求嗣昌疏辨止云臣所引皆漢唐信史雲臺圖畫獨柳
房之親乃漢書盛事臣比類言之而科臣以為指斥豈其昨
年聖諭勲戚不知厭足縱貪暴于京畿者科臣獨未之聞
乎至于市賞招撫不取用兵之說則絕不辯蓋前月召對
善戰上刑之說其機括已陰轉矣故虛：籠罩支吾了事至
雲臺圖畫誠不識其立意何居也說者謂嗣昌安立之樞要
全在此然其邀聖眷者不在此一疏而所謂用心于與變
之中者可類推矣

四月二十八日

上御中左門策試考選各官 上自定三

等翰林給事御史其餘散部量授各官朱天麟曾就義等為翰林王調鼎涂必泓李嗣京任潛張爾忠高名衡等為給事中御史而沈迅張若麒在散數並授刑部主事惟蘓杜先升蘓州同知成勇升南京吏部主事俱已赴任不及試後涂必泓為成勇稱屈奉 旨成勇著改南京御史用

原任兩淮巡鹽張錫命男張沆疏鹽課存解甚明事內云臣父丁艱後共貯庫銀二十一萬兩有奇銷歸何處接管按臣史塗並未嘗為臣父代解此二十一萬兩銷歸何處疏入閣中詳擬一 旨以進及 命下所擬嚴核等語俱行削去止

批該部知道就中機密人不能窺也後南京給事中張焜芳
進疏補糾寺臣貪污事內糾史塗侵匿鹽課二十一萬又糾
塗與中書汪機晝夜酣飲女優侑酒都無官體臨行寄贖銀
十萬又糾塗知子承祖家貲鉅萬乃因告訐索銀萬兩意猶
未已承祖避之南京抑鬱而死其子于道章可証又言塗事
發後密使幹僕賫金潛往書史睢承吾之家意圖毀改簿籍
而末即以張沆原揭附之疏入 御筆批史塗着革提尋奉
旨據奏史塗鹽弊多端駐紮狼籍比匪攬利大干法紀與汪機
俱着革了職并睢承吾逮着提解來京究問是時焜芳有二

疏一求改成勇為科已奉 旨議處一即糾並疏也史塗革
提之 旨特出 宸裁于是群情翕然頌 聖明獨斷云
真定巡按李模疏監臣貪肆非常事分守太監陳鎮夷貪婪
暴虐官民寒心謹昧死特陳其狀舊知識郭名揚先往保定
迎接餽銀三百兩一到任即題充旗鼓而閑通賄賂倚為腹
心憑聽蕭錢兩主文本章批判盡出其手凡攬受田產小詞
盡批解究奸徒得志衆懦股栗固閑把總何起龍托郭旗鼓
送銀二百兩求常閑稅每日抽黃錢二三十十不等單斗人
逆亦索黃錢二十文怨聲載道工食器用等項不許科派里

甲非。勅書所載乎乃私用米豆散牌行唐等縣買辦止
各發銀一百八十兩計各費過三百四十兩有賄解富戶可
問建造衙宇費過工料銀五百餘兩復行趙州等處攤派有
督工王省祭可查營兵月餉應問岳州餉司支領忽坐下真
定縣本色豆三十石州九萬束是額餉竟可混徵也營兵每
月餉銀二兩二錢乃每名扣除四錢七錢不等五營官搃送
倚內至額兵上關每名該行糧升半止給一升州每束折銀
四分八已馬多餓倒以致兵士憤恨槐樹舖逃去馬兵三百
餘名鎮城又逃去二百餘名詳付不知支糧如舊至其縱兵

為盜也任文秀躍馬截叔於晉州箭穿入背當經馬保印等
搜獲賍錢乃文秀不氣而赤馬牽入私廐矣王家遠司二等
行叔官路當經劉均艾等人馬連獲乃偏聽于總王道新曲
藥而捕役及問徒罪矣撞門叔殺賈永先家則有趙標莊應
倫等將珠寶衣服對人誇張而失主不敢告官矣叔殺却三
九拋井則有呂世龍于衆武等被尸親認驢喊告而問官不
敢直指為兵矣將官魏獻何一不從扣剋得未乃今郭旗鼓
向每營將官索要三千兩各先送過五百兩獨火功營將官
王震仲素負氣骨不肯應承終日提營中官役呵責仍與郭

旗鼓解送銀爐銀如意各一件羅緞潞紬各十疋馬一匹
贏一頭尚嫌不足又向龍固營守備白之崑指查費放揚河
軍人要從重叅處決郭旗鼓送銀四百兩俱從東達小門交
張掌家收入合軍皆知更可異者查城上疏托張中軍傳意
州縣一二等各要謝薦儀二百兩且問防何事就中嚇取即
葉城一縣勒送銀壺二把金盤盞四副而曲陽之牙綬一網
收盡是為何休恣意推辱士類以示威風舉人間東井縛未
庭訊生員趙必達徑批點退甚且控冤之王相嫡兄被兵趙
士米王家士等却殺有案徑行提問賊兵收管冤生下獄顛

倒戩士是為何法尤可訝者近日鞏固營總練報升當夜二鼓令部旗鼓向張德昌講話約定銀三十兩題補前缺次日即與發本是大帥可以貸取也一疏投置三將領是樞部可以不設也不亦廢典制而尋刻章乎至如縱放張掌家等橫授驛遞陪索乾折填怪井陘等縣供應不同凌辱正印典史驛丞動責數十循其貧窶之餘波也若其接待有司箕踞漫罵稍不遂意開口題參逼致生日饋獻銀鑄壽星爐爵杯盤及繡緞等件先作衙署有各衙門小報可據儼然自稱軍門而勒送禮物嗟乎皇上何負于內臣而敢舉朝廷之禮法

綱紀將吏士民一旦凌夷暴殄至于此極也奉 旨司禮監
查議具奏

時所遣內奄在：掃惡不獨一陳鎮夷第他處撫按不敢
直陳惟模能據寔入告耳後鎮夷訪模在任墮謹無可指
摘乃訐其與真定同知凌必正營私等情必正李同鄉也
事下真定撫按查核具奏而彼此觀望推諉者三載至十
四年其事始結模與必正俱降三級調用

六月十八日 上召對諸臣出題考試尋改楊嗣昌程國祥
俱禮部尚書嗣昌仍管兵部事陞方逢年蔡國用俱禮部尚

書范復粹禮部左侍郎供兼東閣大學士入閣辦事蓋嗣昌
上所最注意而國祥以房驍國用以牙石若逢年復粹則其偶
及者也房驍者國祥時為戶部尚書建議借合京債居一季
之租及京五會館守寓者亦出修理若干其初謂可得五十
萬其後戚畹勲臣巨璫概從隱匿所得僅十三萬而已牙石
者列于崇文宣武兩大街之中以脩 駕出而除道者時培
修外羅城無從取石國用時為工部侍郎建議用之然用力
甚艱工費甚浩得不償失也而二臣之受知 皇上則由于
此

武陵入閤到任儼然緋袍與江陵同說者謂江陵藉口大
婚權從吉服武陵則何說之辭蓋其心已死久矣 先父
肅以四品少詹超入政府已屬異數後韓城以僉院黃縣
以少卿亦俱從四品超擢尤足異云 始淄川以刑侍入
韓城以僉都入說者謂廷尉中亦有騰升而上者蓋三法
司之驗也今黃縣果以理少入然徒伴食耳無聞重輕也
時揆席既內外兼用館選又從知推考入於是建議詞林
亦得以別衙門升用故李少詹紹賢升戶部侍郎倪榮瀄
元珪起兵部侍郎何兼侍讀學士 司禮監視政府文書

房視詞林向未司禮掌印秉筆諸奄皆從文書房入至
今上而盡破舊規改更舊章此亦其一微云

丙子清騎入洪承疇盧象昇俱率師入援事平即命承
疇總督薊遼象昇總督宣大至是上念清賊交誼從廷臣
議以承疇專任關外升薊撫吳阿衡總督薊保象昇專任勒
賊起升陳新甲總督宣大新甲亦守制家居武陵欲援以自
解會推時即奉有不拘在籍丁艱之旨而後推及之少詹
事黃道周連上三疏其一楊嗣昌不當奪情入閣其一言事
錦廵撫方一藻撫常事與四年舊案不同不得援為口實其

一言不當又奪情用陳新甲于宣大如無人肯往臣願任之
時七月乙巳上召廷臣于平臺問道周曰朕聞無所為而
為者謂之天理有所為而為者謂之人欲爾前疏違當枚卜
不用之日果無所為乎道周對曰天下止有義利臣心為國
家不為功名自信其無所私上曰前月推陳新甲時何不
言道周對曰時科道何楷林蘭友皆有疏二臣：同鄉恐涉
嫌疑耳上曰今遂無嫌乎道周對曰天下網常逢疆大計
失今不言後將無及臣所惜者網常名教非私也上曰清
雖美德不可徵物自古惟伯夷為聖之清若小廉曲謹是廉

非清也道周對曰伯夷忠孝而盡故孔子許其仁今楊嗣昌
雖有才然古者惟門庭之寇不得已而以吉禮從金羊故有
奪情之事今用嗣昌于本兵猶可藉口于金羊近用嗣昌于
政府則禮法之所不容天下未有不父其父而可稱為子者
未有不能孝于親而能忠于君者嗣昌出班奏曰臣非生于
空桑豈遂不知父母臣嘗再辭而明旨迫切道周學行人
宗臣寔仰企之近疏謂不如鄭鄞臣始太息絕望鄭鄞杖母
行同喪徬道周既不如鄞何言綱常也道周曰臣言文章不
如鄭鄞非謂品行上怒曰此皆是矯詞飾說顯是明比道

周對曰衆惡必察臣何敢爲比 上曰孔子誅少正卯當時
亦稱聞人惟行僻而堅言僞而辯不免孔子之誅道周對曰
少正卯欺世盜名臣無其心臣今日不盡言則臣負 陛下
今日 陛下殺臣則 陛下負臣 上怒曰爾讀書多年祇
成佞耳道周對曰忠佞二字臣不敢不辯夫臣子在 君父
之前獨立敢言者爲佞豈在 君父之前諛諂面諛者爲忠
乎忠佞不分則邪正混淆何以致治 上怒甚曰 祖訓辨
言亂政者當斬道周曰臣若有當斬之罪願就司寇聽 陛
下處分 上曰原不專指汝但辨言亂政者按 祖訓當斬

隨諭道周且退 上復面諭諸臣今後慎毋黨同伐異各
恪修職業次日復 頒諭中飭時修撰劉同升編修趙士春
合上疏論嗣昌奪情事與道周俱下部議震部復俱降三級
昭舊 御札道周崇禎同升士春崇禎嗣昌俱 上將
復用道周也急募人參之於是張若麒應募遂上擁戴不効
怨望紛然疏而同升士春降三級道周降六級俱調外矣後
嗣昌偕邊警詞若麒于兵部蓋酬之也

丁丑易甲三人劉趙與陳之遴也初上奪情疏擬三人聯
名之遴辭不與次年遴父祖苞以失事自盡遴以犯屬開

往則何如列名之為愈也南海辭列名而得入綸扉之選
辭列名而終歸罷斥同一畏首畏尾而幸不幸有如此者
刑部主事張若祺擁戴不効怨望紛然疏頌者 皇上憂軫
時艱不憚勞煩 召對之後大布 王言諄：然以正人心
息邪說為治天下之大本原舉黨同伐異之隱情招權納賄
之狡術無不見其肺肝直為道破而聞邪一義尤為千古之
聖帝明王所未嘗發一時之端人正士所不能言直如日月
當天妖狐吳道謂宜大家洗心以副 明旨何意諸臣之情
衆貌 旨造捏奸言歸過 皇上而無天無地無父無君至

此極也以臣所聞數日以來 天諭既頒群黨藉：或擲抄
傳之邸報而怒視或引不倫之遠事而詆議通宵聚衆信口
譏排未已也至有謂 召對之日黃道周犯顏批鱗古今未
有而 皇上為之理屈者至有謂道周堅求一死而 皇上
左顧言他始終無如何者至有謂 聖諭洋洋何故亦作對
偶者甚至有謂 聖諭中和說依經一段不出 聖裁者紛
紛攘：日改日增要使古今未有之好語盡出自道周之口
凡可以歸過 皇上者無所不至蓋倡之者飾六藝以文奸
言盡在假托道理以把持朝廷以顯行其呼朋引類之計于

是記誦博者附之不博者亦附之甚至不辨菽麥墨汁全無
者亦附之共為怙權納賄之地而突聞 皇上下頂門之針
逆大家喊叫謂老魔之赤幟既拔山魃之穢態難藏赫騙不
靈豁空無幸遂至潰口橫加毫無顧忌倘不亟示前日召
對之語宣錄刊傳與新頒 聖諭共為日星之揭則背公死
黨寔繁有徒或鼓煽以惑四方私記以疑後世致令明串附
勢之史臣徇私載筆 皇上正人心息邪說一段治天下之
大經大法且為怨望者所埋沒遮掩矣伏乞 皇上始終為
世道人心計深思遠慮速 賜施行臣雖備員末秩亦仰荷

皇上生成之恩何忍畏其兇鋒雷同不言也

宋林希點大制誥凡元祐名臣貶點之制皆極其醜詆一日
草制罷擲筆于地曰壞名節矣若棋此疏何以異是然使
此疏出而冢宰總憲可以力致尚書不可況區區一兵
曹耶小人枉做小人千古同歎

若棋與沈迅既授刑部不與諸司官齒本司缺郎中員外某
署印奉差辭朝送印與迅大怒罵之擲還其印員外懼
泣訴于堂委別司署焉若棋既出疏逐道周嗣昌已許調兵
部久不得耗乃親詣職方郎中趙光祚促之次日諸臣畢集

揖嗣昌畢光祚出班請曰本司現有缺員聞得老先生要調
二人米嗣昌問調誰光祚對前日上本者即其人也嗣昌佯
驚曰那有此事光祚曰昨日其人親到本司向郎中言老先
生要調他並他同部姓沈者曰司官俱在兩共日擊可詢也
嗣昌色變乃曰這等我要奈他光祚唯唯而退

若麒沈迅既營求嗣昌量調有日矣適御史涂必泓疏言刑
部所司者民命而人徃：厭薄之是以十三司官強半皆鄉
科任子偶有一甲科則輒調別部豈司民命者當專用不肖
乎請自今著為令刑部官不許更調別部奉 旨申飭若麒

憤無所洩乃上平賦從節驛遞一疏謂鄉紳隱匿賦役遺害
小民以致民窮為盜內有鄉紳豺虎等語驛遞謂載剗勘合
歲可得百五十萬銀兩有旨本內鄉紳豺虎等語著據寔
回奏若麒回奏指莊應會范良彥袁弘勲袁范皆地方所累
切齒而弘勲尤護持逆黨者有旨俱行撫按逮問初麒之
出疏也專為同鄉侍郎高弘圖而發及回奏即擬以弘圖入
告或語以弘圖立朝大節忤璫去位萬不可指及麒不得
已乃指應會三人然麒之為此寔激于必泓之疏必泓與楊
廷麟同鄉同年咸謂涂疏楊寔使之後張沈與嗣昌比而修

怨廷麟者禍蓋烈矣

武清侯李誠銘 慈聖內家也 上在信邸時以緩急關

後借事繩之以法不少貸誠銘卒其子不准承襲房產俱行

入官內一女字嘉定伯周奎之孫嘉定請命于 后 后諭

云人當患難自無絕婚之理可具小轎但取此女歸此外慎

毋夾帶諸戚畹今辭申請不允後悼靈王臨危親見 慈聖

于室中 上大悔悟即准其子襲爵房產祿米仍舊頒給

上初年崇奉天主教上海教中人也既入政府力進天主教之說

將宮內供養諸銅佛像盡行毀碎至是悼靈王病篤 上臨

視之王指九蓮華娘：現在空中歷數毀壞三寶之罪及苛
求武清云：言訖而薨 上大驚惧極力挽回亦無及矣時
閣臣皆從外入素不諳文義 上既痛悔前事特頒 諭四
外有但願佛天祖宗知不願人知也等句幾不成 皇言矣
宰相須用讀書人初年 上嘗舉以諷諸閣臣者可勝三嘆
京師天主教有二西人主之龍華民渴若望也凡皈依其
教者先問汝家有魔鬼否有則取以朱魔鬼即佛也天主
殿前有青石幢一大石池一其黨取佛像至即於幢上撞
碎佛首及手足擲棄池中候聚集報多然後設齋邀諸徒

黨架爐鼓火將諸佛像盡行鎔化率以為常某年六月初
一日復建此會方日正中碧空無纖雲適當舉火衆共聳
視忽大雷一聲將池中佛像及諸爐炭盡行揖去池內若
掃不留微塵衆皆汗流浹背咸合掌而跪念阿彌陀佛自
是遂絕此會

史莖疏黨類陷臣已極事內韓周汝弼營陞延綏巡撫係太
常寺卿許世蓋說情奉 旨史莖方在宥問何得潰陳奏內
說情緣由還着許世蓋回奏不許游移又節先
是史莖得提問之報隨即起京潛入韓城郊中連住三日乃

始授部上此疏後世蓋回奏隱羅其辭但列陝西巡按王從
相對之言為証有 旨着王從寔奏及從回奏別事已結案
久矣遂奉姑不究之 旨然世蓋寔未嘗說情也

史墜下獄後又上直發朋黨奸貪之狀疏內云鹽課現經內
臣楊顯名徹底清查之後割沒清楚足見臣之心跡而楊士
聰之誣捏陷臣亦昭然矣又云張焜芳乃內閣中書張炳芳
之兄也向來 旨意露洩皆炳芳為之即焜芳叅臣及內臣
楊顯名亦恃與援有人布置閣通有炳芳在耳又言炳芳第
煒芳以長史謀陞同知已攬知縣庫園鎮考選賜銀一萬三

十兩稅無備和道與科臣爲元馳八千兩解其把持臺有餘
銀入已五十伯和二十等云疏上數發改案後擬元馳士聰
俱革任燁著炳芳俱革任提問後發再案 御筆批云此案
不欲牽累多人乃止案炳芳革職候訊伯和提問此疏寔出
黃應恩應恩素與炳芳有嫌而較書一事又與士聰有隙故
構造此疏以相陷也後士聰上軍需餉正殷疏有 旨史塗
事情談却速審具奏楊士聰不許再讀士聰再疏遂奉不得
更端求勝之 旨蓋史塗之布置已周 聖意亦潛移矣
時史塗既恃內援復有韓城主之于外微中連上疏催審且

請將楊士聰張熾等令該部提去與伊面質而兩淮鹽運使
徐大儀與史堃同年相好自奉行鹽之 自己先謝史書竭
力弥縫不待堃幹僕之來也惟交際六萬兩則不可得而掩
內監楊顯名回奏事：出脫至交際一項則云臣不能為之
諱以故堃久詣獄中不得出竟憤恨以死迨堃事敗則天寔
為之也

刑部上黃應思招奉 旨黃應思嘆口招撫寔有事款何得
聽其去歸盡為開豁該司官殊屬縱徇著回將話來仍一面
嚴訊確擬具奏先是應思下部黨與甚衆部招干招撫諸款

概不敢入止引淺一品語律致奉此 旨司官再問不得不
入事款及莊應恩突出疏叅之司官大惧乃上疏乞 勅三
法司會問夫以罪犯而叅司官與史堃請趙楊士聰張焜芳
到部面質事雖不行而兩人之虎視獄中可知矣後再擬上
有 旨黃應恩叅附近衛所充軍終身

刑部上田敬宗招奉 旨周汝弼推撫情繇竟未訊明但憑
歸抵傳蒙麻衛招已寔又聽改口展轉且田敬宗等違法濫
受多賍僅擬配徒散縱殊甚通著研訊確擬具奏及再上擬
田敬宗附近田堃第等違衛各充軍終身賍追充餉有 旨

依擬

十月清騎入犯薊昌總督吳阿衡與鎮守太監鄧希詔稱壽
已報清人入口矣猶堅留與鄧公飲百盃取百等之愛歎畢
醉不能師遂死于亂軍中北兵盡入樞輔楊嗣昌上四事機
宜疏請於卿寺科道等官不拘資格推補臣部左右侍郎其
久推不至者俟其到日于別衙門填補末云職方一司案冗
已極特設協理員外分任其勞而余爵蒞任無期請以武選
主事孫嘉績升補而武選車駕主事梁嘉祉等音信杳然請
敕下吏部遴選別部有才望者速行調補次日吏部題補沈迅

調武選張若麒調車駕而所云久推不至者吳姓惠世揚也

十一月初八日 召對初無詞林而詞林畢集有內奄奏之

何俱 召入給事中范淵泰奏今

臨城尚無定議不知

是要款是要戰

上曰那个要款淵泰奏外邊皆有此議論

泰又奏凡涉邊事即報一概不許

敢

抄傳滿城人皆以邊事為

諱

上曰凡關係機密的不許抄傳若行間塘報如何一禁

不許抄傳蓋是時武陵松謀款局寔并塘報一切禁止自後

長安始敢言邊事矣是日

召對意在憂餉大理寺丞戈允

禮倡言借貸欲括城中富人金錢淑泰奏兵事要在行法今

法不行而憂餉即雨粟地湧金何益于事 上曰朝廷何嘗
不欲行法而微窺 聖意若有所躊躇而不能決者先是楊
廷麟疏論武陵及高起潛武陵特題改兵部前往盧象昇軍
前贊畫是日已謝 恩辭 朝故不預而款市之議武陵力
請于 上 上許之矣武陵特遣使入 營竟得懷書乃止
時各道勤王兵至宣大總督盧象昇至都城下與武陵昌言
曰朝端邪正不分寇虜何日得靖且云權臣在內遠臣豈能
成功武陵云若如此說老先生尚方劍常先從學生用起不
樂而罷時 越都城而掠破高陽舊樞輔孫承宗合門死

難破吳橋縣知縣劉業嶸迎降遂南掠至山東象昇南下逐之坐營副總兵李某請盧扎營于李家口戒慎毋動必敗虜騎非流賊比也而李自帥師逆虜騎已奏捷矣盧聞捷遽勒兵而前遇虜兵于賈村全軍陷沒事聞上以督臣陣亡坐營不行策應逮問論斬遣將祖寬素以慙直得罪當事與李俱逮問大辟人咸寃之武陵題楊廷麟之贊畫也寃欲假手于兵殺之盧未出師之前遣廷麟至真定與陝撫孫傳庭議事不及于難及敗報至武陵首先問曰楊翰林死未報者止知贊畫不知翰林為誰武陵乃再問曰楊贊畫死

未報者答以已先奉差不在營中武陵為不豫者久之嗚呼
此即曹瞞殺禰衡之故智究竟廷麟不死于陣而武陵竟死
于賊孰謂無天道乎

時畿內州縣兵所至輒陷兵部主事沈迅上疏條陳邊務
一云州縣無重臣彈壓故兵所至不能堵禦請于定州蘇
縣廣平河間各添設兵備一自一云以天下僧人配天下尼
姑編入里甲三丁抽一朝夕訓練可得精兵數十萬其餘條
陳別事甚多武陵其覆盛稱迅言之可用非止一端而畿南
添設兵條尤為救時碩畫且請收迅科負用有旨沈迅着

改兵科給事中作速到任管事蓋迅時結大璫卡希孔為與
援故武陵應之于外如桴鼓遂取 特旨如寄

沈迅授科後即疏薦張縉彥等為兵科都給事中奉 旨張
縉彥著改任先是姚思孝既斥屢推未用部議徐耀復不果
至是迅薦五人首縉彥次任濬黃奇遇涂必泓張若麒而所
重者若麒也其薦語有云庶則真廉敏則真敏又云其所上
平賦從節驛遞二疏皆能言人之所不能言云云而不意
上竟點用縉彥也縉彥到任即疏叅武陵又因召對及之武陵
語人曰沈宙泉到底還不老成如此看來不若從部議用徐

夢我或能相為也不見得夫朝廷用人一手握定惟意所欲
與既與而又悔之武陵之橫至此哉

是年正月張獻忠假官軍旗號暗襲南陽屯于南關左良玉
遣至北關疑之使人召之獻忠竄逸去良玉追及之兩馬相
望一箭中其眉一箭中其指于于斃獻忠倉惶問良玉舉刀
劈其面血流被甲部下孫可望直前力闔獻忠乃得脫逃至
麻城良玉進勒獻忠兩日夜馳七百里至穀城營于王家河
夜襲穀城破之出示安民云本營志在匡亂已逐闖兵遠矣
本營今釋甲歸朝爾百姓無恐遂拘耆老具揭遣孫可望重

賄熊文燦內有西碧玉二方長尺餘又徑寸珠二枚文燦遂
一力擔當撫之獻忠所部不滿萬人乞餉十萬人又乞襄陽
府屯軍文燦遷延不能應獻忠遂據守穀城分屯群盜于四
郊二月左良玉至襄陽與巡按林鳴球巡道王瑞梅欲誘獻
忠來見殺之文燦曰殺降不祥力持不可獻忠恃文燦為援
益無忌穀城諸生徐以顯一見如故教以孫吳兵法私練士
卒鑄造兵器雖婦孺皆知其必反

二月李自成陷蒼溪時川中諸道兵嚴守險要賊坐困乏食
賀人龍以弱卒誘而設伏于梓潼自成逆弱卒走伏發殺

賊數十級幾殲之自成率殘賊走溪南擬入湖廣依張獻忠
不許至竹溪獻忠謀殺之自成獨乘驟馳六百里走商維至
浙川老回：營臥疾半年餘老回：授以數百人仍入陝西
剽掠

六月遂湖廣巡撫俞應桂以方孔炤代之以戴東吳撫治鄖
陽

八月賊曹操會群賊過天星托天王整齊王小秦王混世王
整十萬半里眼于陝州遂南走內鄉浙川犯襄陽九月熊文
燦遣副總兵龍在田等邀擊半里眼射塌天于雙溝大敗之

老回：等俱來走襄陽官軍追還數十里斬首六十餘級群
賊披靡回竄獨曹操仍留內浙山中十月陝西巡撫孫傳庭
帥師入衛諸將先後出潼關曹操謂為勦已也走均州叩太
和山提督太監李維政乞撫維政為言于文燦文燦乃檄止
諸軍曹操九營皆就撫文燦為具疏請貸其罪今諸將宴之
于迎恩寺授官遊擊將軍供億甚備曹操者羅汝才也汝才
既受撫分屯群賊于房竹諸縣文燦今散脅從諸衆簡選曉
壯從征立功汝才不聽自言不願受署為官并不願食餉願
為百姓耕種文燦一切羈縻之與張獻忠遙為聲援奪民木

而食不奉縣官法

十二年己卯正月 兵陷濟南德王遇害巡按宋學朱布按道
府張東文翁鴻業苟好善推官陸燦等或死或逃報至舉朝
震恐先是沈迅條陳有東撫不許離德州一步之語張若麒
力持職方司為之案呈武陵即據其覆東撫顧繼祖認定汎
地僉謂 兵無越德而南之理至是 兵由東昌而南渡河
破丘縣夏津直趨濟南濟南精兵既盡在德州城中無餘當
事又無方畧民潰遂陷德州聞省城陷兵心恒擾鼓噪扶鉤
幾致大變繼祖惧即以數千金塞其望而兵遂不可用繼祖

其疏待罪申言原派不許離德之語武陵特出疏力排其說
兵退繼祖與順天巡撫陳祖苞保定巡撫張其平總兵祖
寬太監鄧希詔俱逮下獄

大學士劉宇亮罷時 兵縱橫燕齊間宇亮自請督師與陳
新甲並轡而南各鎮勤王兵皆屬焉時將卒皆視 兵所向
以為趨避惟蹂踐居民以為事綿竹至安平領者報 兵大
至上下相顧無人色擬急趨晉州城以避之知州陳弘緒堅
閉城門不聽入而城中士民歛血為誓不得延入一兵綿竹
大怒傳令箭急開門以納師否者以軍法從事弘緒後語替

師之來欲勸兵也今兵且至正督師建功之會奈何反欲入城若易糧不繼州官罪也若欲入城不敢聽命綿竹遂疏劾之有旨逮問晉州士民詣闕訟冤願以身代州官死者十餘人弘緒乃得輕處降回紱調用上始疑綿竹不能禦衆徒擾民矣

時行間大帥俱尾兵之後不敢擊亦不能擊綿竹具疏言之其末帶叅劉光祚韓城與武陵謀欲因此去綿竹乃果光祚軍前正法旨到之日諸大帥俱分道前去并光祚亦不在軍前况綿竹之叅光祚者罪原不至死這會有武清之捷

綿竹乃置光祿于武清縣獄而復請之并上武清捷音於是
奉 旨倏奏倏叙殊屬乖貌看九卿科道看議綿竹具疏引
罪言乖則乖矣貌則萬：不敢蓋兩人明知 聖旨往還之
間必致參差必不能正法而遂綿竹之計行矣部覆綿竹剋
帶間任陳啟新言有重議輕沈迅言 明旨森嚴考功之法
未盡於是部議革職為民韓城票 旨仍候事平另議嗟乎
此案韓城與武陵主謀排擠構陷甚巧故 明旨止言看議
而加以議處附之者猶以為未足也故新不足道彼沈迅者
由武陵薦用而顯然出力為武陵排作異己誠不識世間廉

恥為何物矣寔之五案定而綿竹奉旨免議上亦知其無大罪也彼韓城者獨何心哉

上傳任丘清苑涿水遼安大城定興等縣知縣由慧元等貪酷縱肆俱著革職提問撫按官不行糾劾溺職殊甚近畿如此遠地可知者部院申飭

慧元令任丘瑞某任丘人也邀慧元飲酒半盡陳諸寶玩以供鑒常慧元曰我有至寶太異于是瑞問何寶慧元笑不應瑞固問之慧元曰我腰下有至寶耳瑞默然遂羅織其事款入告又慮人議其修私怨也并羅及清苑等縣慧

元罷而新知縣李仲熊即蒞任 兵還攻任丘慧元善騎射協同仲熊固守城陷俱死之

山東巡撫缺東省諸人公討泰州兵脩鄭二陽蓋二陽于流賊南犯時城守著勞者也往例本省撫道缺本省鄉紳向部公討此相沿舊習間亦有為私者至是沈迅獨糾太僕寺少卿王萬象私討巡撫以修舊怨遂奉祀持亂政之旨萬象大惧回話之辭甚遜然寔無私討情弊乃得冠帶閒住而沈勢益張後迅與若麒共言于吏部用永平兵脩劉景耀巡撫山東自是山東諸事皆由二人握定矣若麒又引其兄若麒

為吏部而以假咨事敗則又謀事在人成事在天也

文武官品服色

祖制既定奉行已久惟是武弁緊服獅子

上至是重行申飭武弁三四品俱昭

制服虎豹至內奄從無

定式蓋直擯之洒掃服役之末

祖制良有深意雖太監極

品止于正四品間有

賜璘玉者亦後來之濫觴非

祖制

也至是

上命取山海經以進採取各種獸名另定服色以

天驕為極品說者謂

天子左右環列異獸蓋不祥也

上又將內庫歷朝諸銅器盡發寶源局鑄錢內有三代及宣德

年間物製造精巧絕倫商人不忍舊器毀棄每秤斤觔願納

銅二千觔監督主事某不可謂古器雖毀棄可惜我何敢私
為輕重商人謂宣銅下爐尚存其質至三代間物則質輕清
之極下爐後惟有青烟一縷耳此則誰任其咎監督謂聖
性猜疑甚重若如所言必增聖疑如三代物不便下爐則
有監督內官公同驗視罪不在我於是古器毀棄殆盡
凡遇新天子嗣位另造琴百張每張價五百金此相沿舊
例其事則御用監司之真金徽玉軫也然有音無文至今
上以無文為嫌欲更製琴曲而莫有能應者從父造以謁選入
都中書楊崇善係長洲籍梅同鄉即邀致其家為製譜以進

韵義咸備

上聞之稱善從父已就選州二矣奉

旨文震

亨着改授中書舍人武英殿供事

上御極後

周皇后正位中宮復選東宮田妃西宮袁妃而田

最有寵其父田弘遇亦果橫后父周奎次之袁父則執

自守不預外事

上每戒諭外戚沈三人同

召一日復

召袁詒二人曰學生不效奉陪多次矣今後還求兩先生已容
免賜提挈周田不能應皆有慚色

瑞某與小襄城及秀水諸人善瑞有母稱壽秀水拉諸同人
往賀甫登其堂則瑞母已魏然端坐瑞侍其旁曰太：年矣

不能行禮小弟代為答拜即先下拜旁水筆相顧錯愕不得
已頓首再拜而起嗚呼此之匪人不亦傷乎守孰為大守身
為大雖一舉足間不^可慎乎特書之以為戒

七月戮失事諸臣于市保定巡撫張其平山東巡撫顧繼祖
總兵祖寬太監鄧希詔希詔臨刑肆口訕上極其無狀聞
者咸為髮指而順天巡撫陳祖苞預服毒自盡獄中恩縣知
縣王應元等亦以失守被刑劉業燦以迎降故炤謀叛律決
不待時妻子入官為奴家產籍沒父女兄弟流二千里安置
而祖苞子編修之遴繼祖弟監事光祖俱以犯屬罷斥先是

賴抵米撫任後連疏叅初前撫李懋芳至于逮問衆論咸不
直之至是以失事服法所謂還中以機者乎

兵既退陞陝西巡撫孫傳庭為薊保總督傳庭佯稱耳聾
不能任事有 旨責其托病規卸逮繫下獄順天巡按楊一
雋以扶同欺隱亦被逮

時綿竹進賢相繼罷去後當枚卜 上點用黃岡姚明恭賈
縣張四知涪縣魏昭乘三人俱入閣辦事

八月庶吉士鄭鄤凌遲處死先是鄤下獄衛帥吳孟明謂按
律忤逆惟父母告乃坐今鄤父母皆亡其事又遠在數十年

之前不可究竟烏程乃以特授科道為解如陳放新例于是
同里中書許燥應募上疏証其狀母并及姊妹姦媳等事奉
有嚴旨切責吳孟明不能治獄著革任回衛至是獄具達
磔于市科道各官以不行糾發一概議處俱降級有差孟明
奉譴後上疏言鄭鄮一事世遠人亡皇上必欲立置重
典以風示天下近常州有錢霖父子戕殺之事遠近駭聞許
燥既仗義發憤何舍目前之錢霖而追已往之鄭鄮有旨
逮錢霖同其子尚賓赴京驗審蓋尚賓以祖尚書春陰官應
天通判霖係庚子舉相爭一侍女遂揮刃刺其父中腹業已

輸重賄求和矣而刀痕儼然無計可掩逮至中途止德州宿
假寓草庵夜半縱火焚其庵預藏一尸于灰燼中遂以尚賓
失火被焚朦朧入告 旨下地方官查明武進知縣馬嘉植
以入覲行知府陳瑄申結稱尚賓妻係焚死覆奏而尚賓竟
逃入太湖中馬嘉植物色得之因尚賓家奴婦取盟費遂執
其奴為專掩而取之申解撫按轉解法司尚賓決不待時錢
霖遣戍陳瑄為民然馬之為此亦非能伏羲也向以刻薄殘
忍見譏于陳故為此舉以傾陳而洩私恨也陳為壬戌進士
筮仕合肥知縣崔呈秀巡按淮揚時首薦呈秀敗陳從誠至

戚蔡奕琛得以考察簿罰歷陞今官與馬不相能馬在任唯
趨事要津視監司部郎蔑如也曾以事展鄉紳鄒忠胤過當
朱大典鄒門人也邇來督撫鳳陽鄒特往控訴朱為其疏叅
馬：知之急挽許昂臣求解許曾巡撫山西朱其屬吏也許
竭力調停事得中寢未幾許棄世遺孤幼弱馬視之如陌路
陳以此薄其為人每以刻薄殘忍目之馬故恨之刺骨云
中書朱紳相國：楨子也崑山朱大受為湖州知府與紳相
惡紳特疏叅之衆議以鄉紳叅地方官不可為訓且紳又任
子咸不直之紳又不達連章疊上第四疏奉 旨廷杖遂斃

杖下

上之初即位也編修江鼎鎮疏奏順慶知府楊呈秀有旨革職提問鼎鎮四川南充人為楊部民衆論亦不與之已巳內計鼎鎮例轉福建右叅議

歲底上于宮中符召天將宮中每年或召仙或召將叩以米歲事無弗應者以前一名即至是召久之不至良久玄帝下臨乩批云天將皆已降生人間無可應召者上再拜叩問天將降生意欲何為尚有未降生者否乩批云惟漢壽亭侯受明深恩不肯下降餘無在者批畢寂然再叩不應矣

各省俱有督糧道江南則以兵備兼理崇禎元年冬崇明營
兵缺糧知府王時和勒捐不發遂致噪巡撫曹文衡查為首
者處死時和劾罷因請于 朝欲特設一道臣專理四府錢
糧如布政事例吏部不達其意題准設四府督糧道專理漕
糧既非其疏本意而增一官即增種一費徒厲民耳
時流賊充斥靳黃間應撫當移鎮安慶以防侵軼四府縉紳
又謂江南重地不可無大臣彈壓于是部題添設安慶巡撫
以安慶兵備史可法為之復設偏沅巡撫以河南布政陳睿
謨為之

是年二月左良玉大敗河南賊飛山虎劉國能于許州國能
降老回東既奔復糾草裡眼射塌天等合于混十萬分掠信
陽光山

河南巡撫常道立削籍以李仙風代之逮總兵張任學辛卯
左良玉擊射塌天老回混十萬于河南之鎮城大破之射
塌天乞撫仍連營百里奪民二麥以自給良玉遣人諭止之
不聽戊申良玉率副將陳永福金聲桓等壓賊壘而軍賊倉
卒接戰官兵奮擊斬首二十七百賊退保山險良玉遣降將
劉國能招之庚戌射塌天率其眾四十詣內鄉降于良玉塌

天即李萬慶也良王為言于熊文燦文燦署國能萬慶皆為
遊擊將軍革裡服等走商城

六月張獻忠復叛于穀城羅汝才九營並起應之先是獻忠
往札穀城知縣阮之鈿竭力調護士民賴之至今春叛形顯
著左良玉請來其未脩討之文燦不可至是果叛之鈿瀝血
書絕命詞于襟仰藥死良玉發兵進討熊文燦故張露其事
且強留良玉飲餞稽延旬日俾獻忠得預為脩獻忠乃得從
容運器甲資糧入房山部署已定文燦始令進兵良玉怒曰
督臺縱虎負嵎使我撓之不去必以逼留罪我今旗至即冒

暑進討獻忠設伏於羅喉山良王兵渡險入伏中賊回合圍
之良王全軍盡沒并失其符印僅收殘兵百人逃歸逆列文
燦事于朝樞密楊嗣昌具疏劾之有旨文燦逮問良王革
職殺賊自贖後文燦逮至戮尸西市嗣昌乃以議款不就無
以仰副聖眷而文燦又嗣昌所舉也乃請勦賊自効上
為賜宴賜坐復賦詩以寵其行御詩曰鹽梅今日作干城
上將新開細柳營一掃寇氛從此靖還期教養遂民生所以
寵之者至矣嗣昌謝恩畢馳至武昌申明軍令見良王部下
多降將可倚以辦賊特疏請于朝拜良王為平賊將軍

升永州推官萬元吉為監軍餉事

十月老回：革裡眼左金王等合二萬人分屯英霍潛太諸
山紀安慶桐城等處遼將黃得功川將杜先春屢戰却之